



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 4. Vtrum peccator sumens corpus Christi sacramentaliter, peccet.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

Qualiter  
id fieri.

Vbi nota, Hoc non ita intelligendum, quasi Christi Corpus aliquam qualitatem creatam corporibus nostris imprimat, cuius virtute ipsa resurgunt; sed quod ipsa diuinitas, quæ est virtus operaria istius corporis, moraliter maneat applicata nostris corporibus, ad ea excitanda in vitam immortalē, & gloriosam; idque propter illius viuifici Corporis sumptionē: quod perinde est, ac si vis aliqua creata, cuius virtute resureremus, nobis imprimetur. Nam, quod illa vis creata corporibus nostris impressa præstaret, id præstabit multo melius & efficacius ipsa virtus diuina vbi que præsens, & ratione sumptionis Eucharistia per corpus.

*Vide lib. 12. de Perfectionibus Diuinis c. 15. ubi pulchrè docet quomodo sumptione Eucharistia efficiamur immortales, & spiritum Christi per quandam quasi unionis hypostatica extensionem contrahimus, ut hoc modo Deus nos sanctificet, & ad suam unitatem & vitam redigat.*

## QVÆSTIO LXXX.

### De Sumptione huius Sacramenti.

In Duodecim Articulos divisâ.

I  
Vatis modi  
manducan-  
di Chri-  
stum.

**N**otandum est circa art. 1. 2. & 3. quinque modis Christum posse manducari. Primo, Spiritualiter secundum Diuinitatem: quomodo ab Angelis & Beatis manducatur per visionem & beatam fruitionem, sine integumento. De quo vide Bernar. serm. 33. in Cantica. Secundo, Spiritualiter secundum naturam assumptionis: quomodo manducatur ab ijs, qui Christo fide & dilectione adhærent. De quo videtur loqui Augustinus Tract. 25. in Ioannem: *Vt quid paras dentem, & ventrem? Crede, & manduca nisi. Credere enim in eum, hoc est panem viuum manducare.* Tertiò, Spiritualiter ut est sub Sacramento: quomodo manducant ijs, qui spiritualiter, & defiderio cum Sacerdote communicant. Quartò, Sacramentaliter tantum: sicut peccatores, qui cū peccati mortiferi conscientia accidunt. Vide D. Aug. Tract. 26. in Ioan. Quintò, Sacramentaliter & spiritualiter simul: sicut quando cum fide & devotione suscipitur Sacramentum. Reliqua vide apud D. Thomam.

#### ARTICVLVS IV.

#### Vtrum Peccator sumens Corpus Christi sacramentaliter, peccet?

II  
Hæretici  
negant.

III  
Catholici  
affirmant.

IV. Prob. Ex  
scriptura.

**H**æretici Calvinisti & Lutherani docent peccatorē, quod pluribus peccatis est iniquatus, eo aptiorem esse Eucharistia percipiendā. Ratio illorum est: Quia præcipuus Eucharistia fructus est remissio peccatorum. Quod ergo plura peccata fuerint, eo maior erit fructus.

Sed fide tenendum est: Peccatorem, qui sibi aliquicuius peccati mortiferi est conscius, si ante penitentiam, accepit Eucharistiam, mortiferè peccare. Ita definit Concilium Tridentinum sess. 13. can. 5. & 11. & docet cap. 2. & 7.

Probatur Primo, Ex Scripturis 1. ad Cor. 11. v. 28. Proferat seipsum homo, & sic de pane illo edat, & de calice bibat; qui enim manducat & bibit indignus, iudicium sibi manducat & bibit, non disjudicans Corpus Domini. Respondent hæretici, ibi agi de probacione nostra fidei; & illum sumere indignus, qui sine fide sumit: dignè autem, qui cum fide: cum fide autem sumere eum, qui credit sibi per Christum condonari peccata. Sed Primo, Hæc expositio euertit illorū

sententiā. Nam si requiritur fides tanquam præparatio necessaria: ergo effectus huius Sacramenti hereticorum non est remissio peccatorum: nam remissio peccatorum, illorum sentientiæ, fit per fidem, quæ iuxta illos sola iustificat, efficiens ut peccata non impunitentur; ac proinde soli iustificati dignè accedunt. Deinde, hæc expositio est contra Apostolum. Nam Apostolus ibi non reprehendit Corinthios de incredulitate, sed de prauis moribus; ut patet ex sequentibus verbis. Denique est contra sententiam omnium Patrum, qui hunc locum tractant. Probatur Secundo, Quia figuræ huius Sacramenti non poterant sumi nisi à legaliter mundis; ut patet de Agno paschali, Num. 9. & 2. Paralipomen. 30. ubi præcipitur, ut is, qui non fuerit purificatus suo tempore, differat Phase in proximum mensem. Item patet de carnis sacrificiorum; Leuit. 22, ubi dicitur, Si quis immundus de illis comedenter, Peribit coram Domino. Denique patet de Panibus propositionis; 1. Regum 21. de quibus vide Hieronymum in 1. caput ad Titum. Ergo ipsa veritas non potest sumi, nisi à mundis spiritualiter. Ad quod significandū Dominus Ioannis 13. prius Discipulorum pedes lauit, quād eis hoc Sacramentum præberet.

Probatur Tertiò, Ratione: Qui sumit hoc Sacramentum in peccato mortifero, quantū in ipso est, falsam reddit huius Sacramenti significationem. Nam hoc Sacramentum significat Corpus Christi mysticum Christo capiti per fidem & charitatē unum; & eum, qui sumit esse de illo corpore; ut patet ex Apostolo 1. ad Cor. 10. v. 17. *Vnus panis, & unum corpus sumus, qui de uno pane participamus;* quibus verbis insinuat eos, qui hoc Sacramentum sumunt, debere esse membra vnus corporis, & hærente cum uno capite, & codem spiritu vivere; ut ostendit D. Augustinus Tract. 26. in Ioannem. Et Confirmatur, Nam hoc Sacramentum datur tanquam alimentum vita spiritualis, Ioannis 6. *Caro mea verè est cibus: ac proinde significat, cum, qui sumit, debere spiritualiter vivere.*

Probatur Quartò, Ab irreuerentia: Quia cum hoc Sacramentum cōtineat realiter ipsum fontem sanctitatis, is qui accipit in peccato, grauem irreuerentiam in ipsum comittit; præseruit, cùm intrasse, suaque viscera ipsum sumat. Secùs esset, si

M m m ij quis

Refellit  
interpretatio  
de probatio  
ne reprobatio  
ne ab  
Apostolo  
1. Cor. 11.

4. Prob. 2  
figuris.

5. Prob.  
Ratione:  
Peccator  
quodam-  
modo falsi-  
ficat signi-  
ficationem  
huius Sa-  
cramenti.

4. Prob. Ab  
irreueren-  
tia.

quis simplici & externo contactu hoc Sacramentum, vel etiam Christi Corpus in propria specie contigeret: et si D. Thomas in rcp. ad 1. contrarium insinuare videatur. Hic enim contactus non esset peccatum mortale, etiam si fieret a peccatore; modo siat cum aliqua reverentia. Imo, si frat, ut ab ipso sanctificeris, non est peccatum. Neque ideo vetuit Dominus Magdalena tangere, quod esset in peccato mortifero: nam omnino credibile est, fuisse tunc in statu gratiae, quamvis fides eius non esset adhuc tam explicita & perfecta. Sumptio enim intra se, multò maiorem unionem & familiaritatem designat: vnde meritò maiorem dispositionem requirit. Sicut gestatio Christi in utero, maiorem sanctitatem postulabat, quām contactus exterior.

## D V B I V M . I.

*Vtrum Peccator, qui sibi conscientia est mortaliter peccati, debeat illud confiteri ante communionem, praesertim si omnino existimat se contritum?*

R Esondeo, Panormitanus in Capit. De homine. de Celebratione Missarum, putat talem peccatorem non teneri ad confessionem; sed sufficere contritionem. Idem tenet Caeteranus hoc loco, & in Summa verbo Communio. & in Commentario prioris ad Cor. 11. Bartholomeus Fumus verbo Communio. §. ultimo. Idem insinuant Richardus, Paludanus & Adrianus.

Existens in mortaliter debet & semper debuit Eucharistie præmittere confessionem. Tridentin. Dico Primò, Teneri talem absolutè premittere confessionem, saltem ex precepto Concilij Trid. Dico Secundò, Hanc obligationem nō esse nouam, sed semper in Ecclesia fuisse. Probatur ex Concil. Trident. sess. 13. c. 7. Ecclesiastica confutatio declarat, eam probationem necessariam esse, vt nullus sibi conscientia peccati mortiferi, quantumvis sibi contritus videatur, absque præmissa sacramentali confessione accedere debeat; quod à Christians omnibus, eriam ab ijs Sacerdotibus, quibus ex officio inculcerit celebrare, hac sancta Synodus perpetuo seruandum esse decrexit, modo nō desit illis copia Confessoris. Idem docent reliqui Doctores, Probatur ex Patribus. Cyprianus epist. 10. quæ est ad Clerum, reprehendit quoddam Sacerdotes, qui admittebant peccatores ad Eucharistia, ante confessionem. Nundum, inquit, penitentia acta, nundum exomologosi facta, nundum manu eis ab Episcopo & Clerico imposta, Eucharistia illis datur, cum scriptum sit, Qui comedet panem, aut biberit calicem Domini indignus, reus erit Corporis & Sanguinis Domini. Deinde excusat plebicos, quod ignorantia Scripturarum hoc faciunt; non autem Sacerdotes, qui debent nosse Scripturas. Similia habet epist. 11. & 12. Nā epist. 11. dicit, esse contra Euangelium legere dare Eucharistiam lapsi ante exomologosum: Idem ferè repetit epist. 12. Eusebius lib. 6. historiæ c. 17. referi Philippum Imperatorem, cum vellet in vigilijs Pasche cum alijs Christianis comunicare, non prius fuisse admissum à Pontifice, quām confiteretur peccata sua, & inter penitentes stetisset. Auctor de Ecclesiasticis dogmatibus c. 53. Quem mortalia crima post baptismum premunt, bortor prius publica penitentia satisfacere; & ita iudicio Sacerdotis reconciliatum communioni sociari: quod, vt declarat esse præceptum, ait, ad iudicium & condemnationem Eucharistiam percipere.

Cyprian.

Eusebius.

Auctor  
Ecclesiæ  
dogmatu.

Dico Tertiò, Hæc obligatio, et si consentanea sit legi naturali, supposita institutione huius Sacra-

menti, & Sacramenti penitentie; non tamch' est An si iusti legis naturalis, sed positiva diuina.

Quod sit consentanea legi naturali, Probatur: ut præmissa Eucharistia continet id, quod omnium est ratio, & sanctissimum, scilicet ipsum fontem sanctitatis: ergo festo huius consentaneum est, vt homo summam curam adhibeat, vt dignè se ad eam compareret; nam summa illa puritas requirit optimam preparationem: ergo non solum contritione, sed etiam confessione sacramentali se disponere debet.

Verum, Et si hæc ratio probet obligationem esse consentaneam iuri naturali; nō tamen probat eam præcisè ex iure naturali nasci. Nam ius naturale nō obligat nos ad summam diligentiam, nec ad summam certitudinem bonas dispositionis; sed solum ne indignè accedamus. Atqui non censetur indignè accedere, qui optimè confidit se esse iustificatum à peccato; vt patet in reliquis Sacramentis viorum, ad quæ non necesse est, vt homo se disponat per confessionem.

Dices, Ius naturale obligat vt in extrema necessitate, vel periculo mortis, utraris remedio confessionis, si aliquo modo possis, quamvis putes te omnino contritum: ergo similiter, quando est communicandum.

Respondeo, Est dispar ratio. Nam ibi est periculum amittendæ salutis irreparabiliter, si forte, opinione circa tuam contritionem decipiaris, hic autem non est vnum tale periculum: nam ratione bona existimationis excusaris a peccato indigne communionis, nec vnum damnum incurris.

Adde, Quāuis certus omnino es remissionis Etiam certiorum peccatorum, tamē deberes confiteri ante usum recommunicationis; vt docent omnes Doctores: quod easce morali debet posse, non autem iuris naturalis. Ius enim naturalis, non utriusque remedium, definit obligare confessante illius remedijs necessitate.

Tertia pars, Hanc obligationem esse iuris diuinii positiui, est multorum Doctorum: Dominic Sotii. Et iuris dist. 12. q. 1. a. 4. Melchioris Cani Relectione 5. de penitentia, Couarruia in cap. Alma §. 1. n. 7. & præmissorum quos citat Conar. Et insinuat Concil. Trid. cūm ait, Ecclesiastica confutatio declarat, eam sio 5. communioni, non Ecclesiastici tantum. Probatur, Quia, si solum effet iuris humani, facilè potuerit alibi aboleri; sicut alia præcepta Ecclesiast. Sed vbiq; hoc præceptum semper videtur obseruatum; & vbiq; esse obseruandum patet ex Concilio Trident. sess. 13. can. 11. vbi excommunicatus, qui docet vel defendit, vel afferit pertinaciter, non esse necessarium præmittere confessionem.

Aduerte tamē, non esse improbable, hoc præceptum esse dumtaxat Apostolicum, sicut præceptum de Eucharistia à ieunis sumenda: quod tenet Naumannus de Penitentia dist. 5. in principio, Ioannes Medina Codice de Confessione, & multi alij.

## D V B I V M . II.

*Quando licet communicare, vel celebrare, absque prævia confessione ei, qui sibi conscientia est peccati mortiferi?*

R Esondeo, Id licere, quando concurrunt hæc duæ conditions, quas notat Concil. Trident. Si necessitas urget; Et desit copia Confessoris.

Ac prior

*Catus qui  
bus sit ne-  
cessitas co-  
municandi,  
etiam sine  
prævia cō-  
fessione,*

Ac prior conditio, scilicet necessitas celebra-

di, vel communicandi, censetur vrgere:

Primo, Si sis in periculo vita propria.

Secundo, Si proximus sit in periculo vita, & vt ei detur viaticum, necesse est te celebrare.

Tertio, Si ex officio tenearis celebrare, & non possis per alium: vt Parochi diebus Fefis & Do-

minicis, ne populus eareat Sacro.

Quarto, Quando non teneris quidem celebrare vel communicare, tamen sine scandalo vel nota infamiae non potes omittere.

Quinto, Si ex precepto Ecclesiæ tenearis audi-  
re Missam, vel comunicare, vt implas preceptum Ecclesiæ potes communicate vel celebrare, etiā si non possis confiteri. Ita Dominicus Soto, in hunc art. 4. dist. 12. q. 1. quæ sententia est probabilis: nā probabile est præceptum de præmittenda confessione esse Ecclesiasticum & Apostolicum. Tamen contrarium est probabilius & verius ex contrario fundamento. Probabilius enim est esse præceptum diuinum, vt confessio præmittatur: ac proinde non videtur debere infringi, vt seruetur præceptū humanum de communione in Paschate, vel Missa audienda die Festo.

Sexto, Si aliter non possit sacrificium perfici: vt si Sacerdos post consecrationem deficeret, & tu solus Sacerdos adest, deberes perficere inchoatum ab altero sacrificium, etiamsi non possis præ-  
mittere confessionem. Ratio est, Nam perfectio sacrificij est maioris momenti.

Septimo, Si post consecrationem recorderis te esse in peccato mortiferio; vel etiam cōmittas peccatum mortiferum, per odium internū in proximatum, vel infidelitatem, vel aliter, teneris quidem statim contēri, sed non teneris confiteri ante communione, etiamsi commodè posses sine nota Sacerdotem ad altare accersere. Ratio est, Quia non expedit partem illam sacratissimam, & intrinsecā actioni Sacrificij interrumpere: nisi forte putas te non conceperit veram contritionem, sed solū attritionem. Quod si ante consecrationem recorderis peccati mortiferi, teneris confiteri, si cōmodè, & sine nota possis; quidquid dicat Francis Victoria q. 79. Quia pars illa Missa solum est preparatoria, & extrinseca actioni sacrificiā. Quod si non possis sine nota Sacerdotē accersere, potes progredi coacta contritione, vel etiam desistere, si absit scandalum.

*An Cele-  
brans qui  
sub Misla  
recordatur  
peccati  
mortalis,  
teneatur  
confiteri  
ante Com-  
munionem.*

*Item, An  
laicus, qui  
sub accessu  
ad communio-  
nem re-  
cordatur  
peccati  
mortalis.*

Idem dicendum de eo, qui iam accedit com-  
municaturus, & recordatur peccati mortiferi  
nunquam confessi: nam si absque nota non potest  
se subducere, potest communicare sine prævia il-  
lius cōfessione. Quod si potest se subtrahere com-  
modè, tenetur omnino illud peccatum confiteri  
ante communione, etiamsi paulò antē confitus  
esset alia cum debita diligentia; vt sentiunt omnes  
fēt Doctores, etiam ante Concilium Trident. vide Nauarum cap. 21. n. 49. Et post Concilium  
res est certa: nam can. 11. sess. 13. sic ait, Statuit at-  
que declarat ipsa sancta Synodus, illis, quos conscientia  
peccati mortalis grauat, quantumcumq[ue] etiā se convitos  
existimat, habita copia Confessoris necessariō præmit-  
tendam esse confessionem sacramentalem. Et excom-  
municatur eos qui presumunt contrarium docere  
& defendere &c. Loquitur autem Concilium de  
confessione sacramentali illius peccati mortalis,  
eius conscientia quempiam grauat: huius enim  
confessionem debere præmitti.

Dices, Qui confessus est cum debita præpara-  
tione, & oblitus aliius peccati mortiferi, non  
grauat amplius conscientiā illius peccati, cūm  
ab illo sit absolutus, licet indirecte: ergo non  
comprehenditur verbis Concilii.

Sed contrā: Si idecō conscientia peccati

mortiferi illum non grauat, nec tenetur confiteri  
ante communionem, quod remissum sit illi hoc  
peccatum: ergo numquam tenetur illud confi-  
teri; quod sine dubio est falsum, & contra omnes  
Doctores, & totius Ecclesiæ praxim; vt infrā  
dicemus. Deinde, Per contritionem veram etiam  
remittitur peccatum, non minùs quam per illum  
absolutionem indirectam, imò magis directē, &  
propriē: ergo is, qui concepit contritionem sui  
peccati, idque probabiliter nouit, non amplius  
grauat illius conscientiā, & sic poterit com-  
municare sine confessione sacramentali, quamvis  
copiam Confessoris habeat; quod est contra Con-  
cilium. Dicendum ergo, illum grauari conscientiā  
peccati mortiferi iuxta Concilium, qui scit se  
illud commississe, & nundum subiecisse clauibus  
Ecclesiæ, vt ab illo directe absoluatur. Hec est  
mens Concilij, vt etiam colligitur ex cap. 7.

Nunc sequitur altera conditio, quæ est, Confes-  
soris inopia. Censetur autē hæc conditio adesse:

Primō, Si Confessor linguam tuam ignoret: non  
enim, vt communies, teneris confiteri per inter-  
pretē, quāuis fortè in periculo mortis teneris.

Secundo, Si prudenter metuas tibi infamiam,  
vel altius malum à Confessore: tune enim illa pec-  
cata, de quibus est timor mali, non teneris confi-  
teri. Si tamē alia habes mortifera, de quibus nihil  
times, debes ea confiteri ante communionem; vt  
recte Nauarrus c. 7. n. 6. citans Maiorem. Quod si  
prater illa, de quibus times, non habes nisi venia-  
lia, non teneris confiteri: quia venialia non sunt  
materia necessaria, sed voluntaria.

Tertio, Si Confessor non possit absoluere di-  
rectē, ed quod habetas casum Superiori reservatū, censetur  
qui tunc non potest commode adiri. Ita Fumus  
verbo Communio §. vii. citans Archidiacōnū  
& Paludanum. Idem tenet Victoria qu. 79. Quæ  
sententia non est improbabili: nam videtur graue  
onus idem peccatum bis confiteri, vt sit in hoc  
casu. Tamen verius videtur, si habeat aliqua mor-  
tifera, à quibus inferior potest directe absoluere,  
quod ei teneatur confiteri ante communionem,  
& quidem integrē. Ratio est, Quia hoc onus non  
est tanti, vt possit excusare ab obseruatione illius  
præcepti de præmittenda confessione ante com-  
munionem; cūm præstō sit Confessor habens di-  
rectam potestatem in aliqua peccata necessariō  
confienda. Et Confirmatur: Quia propter hoc  
onus non excusatetur homo à præcepto confes-  
sionis annū, quod constat esse mere humanum:  
ergo multò minus ab hoc præcepto, quod pro-  
bable est esse diuinum.

Quod autem quidam dicunt censeri deesse co-  
piam Confessoris ad communicandum, si deficit Confessor  
Confessor ordinarius, cui soles devotius confite-  
ri; verum non est, neque securum. Vide Nauar.  
cap. 21. num. 49. Soto dist. 12. quæst. 1. art. 4. &  
Fumum loco citato.

His addit ex Concilio Trident. sess. 13. c. 7. Si  
necessitate vidente Sacerdos absque prævia con-  
fessione celebauerit, quam primum confiteri de-  
bere. Circa quod;

15

M m m iij Notandum

*Cur, & quo iure Sacerdos qui ex necessitate celebrabit absque previa cōfessione, debeat quā primū confiteri postea.*

Notandum Primo, Quosdam existimare hoc præceptum esse juris diuini, & oriri ex obligatio-  
ne illa p̄mittendi confessionem ante communio-  
nem: hanc enim obligationem debere statim  
post impleri, si ante communionem impleta non  
fuerit. Sed hæc sententia vera non est. Nam præ-  
cepta affirmativa non obligant nisi certis occa-  
sionibus, que vbi præterierint, cessat obligatio  
eorum, siue impleta fuerint, sive non. Exempli  
gratia, teneris dare elemosynam in graui vel ex-  
trema necessitate proximi, cessante illa necessitate  
non amplius teneris, siue impleueris præceptum,  
siue non impleueris. Eodem modo teneris confi-  
teri peccatum mortiferum, quando est communica-  
runt absque confessione, non obligari statim po-  
stea confiteri, sed solum Sacerdotes qui celebra-  
runt necessitate urgente: quod est contra Nauar-  
rum loco citato. Ratio est, Quia lex non est ex-  
tendenda ultra significationem verborum. Addit,  
Quod in Sacerdotibus sit peculiaris causa, quæ nō  
in Laicis; quia multò crebrius celebrant, quæ  
Laici communicant. Neque ratio Nauarri vrget:  
tum, quia nō est certum, quod Concilium idem  
statuissest de Laicis, si interrogatum fuisset: tūm,  
quia omnino credibile est Concilio bēnē in men-  
tem venisse Laicorum, & tamen noluisse idem sta-  
tuere: tūm denique, quia quamvis fortè statuissest,  
si venisset in mentem; tamen quia re ipsa non sta-  
tuit, non obligauit Laicos. Bonum tamen est  
Laicos ad hoc hortari.

*Cur Laicos non tenet, ut Sacerdos, ita-  
tim post confiteri, si communica-  
cari sine prævia cōfessione.*

Notandum Secundo, Laicos, qui communica-  
runt absque confessione, non obligari statim po-  
stea confiteri, sed solum Sacerdotes qui celebra-  
runt necessitate urgente: quod est contra Nauar-  
rum loco citato. Ratio est, Quia lex non est ex-  
tendenda ultra significationem verborum. Addit,  
Quod in Sacerdotibus sit peculiaris causa, quæ nō  
in Laicis; quia multò crebrius celebrant, quæ  
Laici communicant. Neque ratio Nauarri vrget:  
tum, quia nō est certum, quod Concilium idem  
statuissest de Laicis, si interrogatum fuisset: tūm,  
quia omnino credibile est Concilio bēnē in men-  
tem venisse Laicorum, & tamen noluisse idem sta-  
tuere: tūm denique, quia quamvis fortè statuissest,  
si venisset in mentem; tamen quia re ipsa non sta-  
tuit, non obligauit Laicos. Bonum tamen est  
Laicos ad hoc hortari.

### ARTICVLVS V.

*Vtrum accedere ad hoc Sacra-  
mentum cum conscientia peccati mor-  
talis, sit grauiſſimum omnium  
peccatorum?*

*12 Quatuor gradus gra-  
uitatis peccatorum.*

*Gravitas peccati cōtra Eucha-  
ristiam.*

V Ide D. Thomam.  
Notandum est, Quatuor esse gradus gra-  
uitatis peccatorum. Primus gradus est, Eorum quæ  
sunt contra diuinitatem; vt odium Dei, infidelis-  
tas, desperatio, blasphemia. Secundus est, Eorum  
quæ sunt contra Christi humanitatem in seipsum  
considerata: vt verba & conuictia in Christi,  
præsertim eorum qui ipsum agnoscabant, vel fa-  
cile poterant agnoscere. Tertius, Eorum quæ sunt  
contra Sacraenta. Quartus, Eorum quæ sunt  
contra puras creaturas.

Notandum Secundo, Peccata quæ sunt contra  
Eucharistiam, esse maiora in genere suo, quæ  
contra alia Sacraenta, vel etiam contra  
alias puras creaturas. Dico, *Ex genere suo*, quia non  
omne peccatum contra Eucharistiam, est absolutè  
grauius quouis peccato contra alia Sacraenta,  
vel contra proximum. Nam indignè sumere Eu-  
charistiam ex quodam timore, non ex malitia,  
ne videlicet deprehendatur in suo peccato, tamen  
cum aliqua reverentia, non videtur esse mali-

peccatum, quæm homicidium ex odio profectum.  
Ceteris tamen paribus, peccata contra Eucharis-  
tiā sunt maiora: v. g. indignè sumere Eucharis-  
tiā, longè maius peccatum est, quæm indignè  
sumere alia Sacraenta: projecere in terram Eu-  
charistiam, longè grauius est, quæm homicidium.  
Vnde illud peccatum indignæ sumptionis, solet  
Deus initio nascientis Ecclesiæ, etiam corporali-  
ter punire, immittendo morbos, vel etiam mor-  
tem; vt ait Apostolus 1. Corinth, 11. vers. 30.  
Ideo inter vos multi infirmi & imbecilles, & dormiunt  
multi.

**ARTICVLVS VI.**  
*Vtrum Sacerdos debeat denegare  
Eucharistiam peccatori  
petenti?*

R Espondeo & Dico Primo, Peccatori publi-  
co publicè petenti, seu offertenenti se, dene-  
ganda est Eucharistia, nisi etiam publicè constet  
de eius penitentia. Est certa, & communis Do-  
ctorum. Vide Chrysostomum homil. 83. in Mat-  
thæum, & Cyprianum epist. 10. 11. 12. vbi re-  
prehendit quodam Sacerdotes, quod laplos ad-  
mississent ad Eucharistiam ante publicam peni-  
tentiam. Ratio est; Tum quia Sacerdos ex officio  
tencur sancta sancte tractare; ac proinde, quan-  
tum in se est, Non dare sanctum canibus, id est, ijs,  
quos constat esse immundos, Matthæi 7. v. 6.  
Tum, quia, ille peccator non habet ius petendi,  
& potest sine incommodo ei denegari.

Dicitur autem peccator publicus, cuius crimen  
publicum est. Censetur autem crimen absolutè  
publicum: *Vel evidentiā facti*, quod ita notum  
est, vt nulla probabilitate possit negari: quale est  
peccatum publici usurarij, concubinarij, homi-  
cidia qui in loco publico occidit. *Vel evidentiā Iu-  
ris*; scilicet, quando eius confessione in iudicio,  
vel testium legitima depositione, vel sententiā Iu-  
dicis innotuit. Vide Nauarrum cap. 21. num. 55.  
Hic tamen:

Aduerte Primo; Non solum publico peccato-  
ri, sed etiam publicā infamia laboranti, seu publi-  
ca & velicenti suspicione criminis, Eucharistia  
in publico denegandam; ob rationem suprà dictā,  
quia non oporet sanctum dare canibus.

Secundo, Si crimen quidem non sit absolutè  
publicum, sed respectu eorum coram quibus petit, crimen non  
debere omnino negari corā illis, nisi fortassis alij  
aliqui adīnt, qui illud ignorant.

Tertio, Si alibi crimen sit publicum evidentiā  
Iuris, vbique Eucharistiam debere negari, quā-  
uis ibi crimen ignoretur. Et ratio est, quia abso-  
lutè in foro Ecclesiæ amisit ius publicè petendi,  
ac proinde sine incomodo potest ei negari. Idem  
videtur dicendum, si evidentiā facti crimen sit  
alibi publicum, & faciliè eius fama possit hoc ma-  
nare; vt alibi diximus. Contrarium tamen in hoc  
casu non est improbatum; & tenet Victoria de  
Eucharistia q. 80.

Quarto, Si peccator publicus occultè egreditur  
penitentiam, potest ei occultè petenti Eucha-  
ristia dari, modò non sit periculum scandali. Ra-  
tio est; quia causa cōnegandi iam cessat; scilicet in-  
dignitas ipsius, & scandalum aliorum.

*Peccatori  
publico  
occultè  
petenti  
& peniti-  
potest dati  
Eucha-  
ristia.*

Dico sis.